

উপস্থিত :- মোঃ হাসান জামান, সিনিয়র সহকারী জজ,
সিনিয়র সহকারী জজ, ২য় আদালত, পটিয়া, চট্টগ্রাম

আদেশ নং-২০

অদ্য একতরফা আদেশের জন্য দিন ধার্য আছে।

তারিখ- ২৭/০৬/২০২২ ইং

বাদীপক্ষ অনুপস্থিত।

নথি আদেশের জন্য নেওয়া হলো। নথি পর্যালোচনায় দেখা যায়, বাদী আরজি তফসিল বর্ণিত নালিশী বি.এস- ৭৬৭ নং খতিয়ান ভুল ও অশুদ্ধভাবে রেকর্ড হয়েছে মর্মে দাবি করিয়া ঘোষনামূলক ডিক্রীর প্রার্থনায় ১-৪৫ নং বিবাদীদের বিরুদ্ধে অত্র মামলা আনয়ন করেছেন।

১-৪৫ নং বিবাদীর প্রতি সমন সঠিকভাবে জারি হলেও তারা অত্র মামলায় হাজির হতে ব্যর্থ হয়। যার প্রেক্ষিতে বিগত ১৮/০২/২০২১ ইং তারিখের ০৬ নং আদেশমূলে তাদের বিরুদ্ধে এক-তরফা শুনানীর জন্য ধার্য হয়।

অত্র মামলা প্রমানের জন্য বাদীপক্ষে ১ নং বাদী পুলক কান্তি দাস P.W.-1 ও স্বপন চৌধুরী P.W.-2 হিসাবে সাক্ষ্য প্রদান করেছেন। বাদীপক্ষ দাবির সমর্থনে নিম্ন বর্ণিত কাগজাদি দাখিল করেন।

১। বন্দর মৌজার আর এস-৩২৫ নং খতিয়ান ও বি এস ৭৬৭ নং খতিয়ান এর জাবেদা নকল যা প্রদর্শনী- ১ সিরিজ,

২। ২৬/০৮/১৯৭২ ইং তারিখের ৪৪৮৬ নং কবলার সি.সি প্রদ- ২

৩। ১৮/০৪/১৯৯০ ইং তারিখের ২০১২ নং কবলার সি.সি প্রদ- ৩ হিসাবে চিহ্নিত হলো।

পুলক কান্তি দাস P.W.-1 ও স্বপন চৌধুরী P.W.-2 এর গৃহীত জবানবন্দি, নথি ও দাখিলকৃত কাগজাদি (প্রদর্শনী ১-৩) দেখলাম এবং পর্যালোচনা করলাম। সার্বিক পর্যালোচনায় বাদীপক্ষের নালিশী খতিয়ানভুক্ত সম্পত্তিতে স্বত্ব, স্বার্থ ও দখল রহিয়াছে মর্মে প্রতীয়মান হয়।

এমতাবস্থায় বাদীপক্ষ অত্র মোকদ্দমা প্রমাণ করতে সক্ষম হয়েছে বলে আমি মনে করি। সুতরাং বাদীপক্ষ তাদের প্রার্থিত প্রতিকার পেতে হকদার।

প্রদত্ত কোর্ট ফিসঠিক।

অতএব,

আদেশহয় যে,

ঘোষনামূলক ডিক্রীর প্রার্থনায় আনীত অত্র মোকদ্দমা বিবাদীপক্ষের বিরুদ্ধে একতরফাসূত্রে বিনা খরচায় ডিক্রি হলো।

এই মর্মে ঘোষনা করা যাচ্ছে, নালিশী তফসিল বর্ণিত ভূমিতে বাদীর উত্তম ও অপরাজেয় স্বত্ব রহিয়াছে এবং উক্ত ভূমি সংশ্লিষ্ট বি.এস ৭৬৭ নং খতিয়ানে বাদীগনের পিতার বায়া দানা মিয়া এর নামে ভুল ও অশুদ্ধভাবে অংশ জরিপ কম লিপিবদ্ধ হইয়াছে, যা যথারীতি বে-আইনী ও অকার্যকর এবং উহা বাদীগনের উপর বাধ্যকর নয়।

আরো ঘোষনা করা যাচ্ছে, এল এ কেস নং-৩০/২০১৬-২০১৭ মূলে হুকুম দখলকৃত নালিশী তফসিল বর্ণিত ২৮ শতক ভূমির মধ্যে ১০ শতক ভূমির ক্ষতিপূরণবাবদ এওয়ার্ডকৃত টাকা বাদীগণ প্রাপ্ত হবেন এবং বাদীগণ উহা আইনত উত্তোলনের অধিকারী।

আমার স্বহস্তে লিখিত ও সংশোধিত

(মোঃ হাসান জামান)

সিনিয়র সহকারী জজ

সিনিয়র সহকারী জজ, ২য় আদালত,
পটিয়া, চট্টগ্রাম

(মোঃ হাসান জামান)

সিনিয়র সহকারী জজ

সিনিয়র সহকারী জজ, ২য় আদালত,
পটিয়া, চট্টগ্রাম